

Ա. Ա. ՍԱՀԻՆՅԱՆ, Գառնիի անտիկ կառույցների ճարտարապետությունը, ՀՍՍՀ ԳԱ հրատարակչություն, Երևան, 1983, 261 էջ, 123 աղյուսակ

Եզակի թիվ են կազմում հիլենիստական Հայաստանից մեզ հասած հուշարձանները և է՛լ ալեկի թիշ են զրանց նվիրված մենագրական հետազոտությունները։ Այս պայմաններում մեծ նշանակություն է ստանում Ա. Սահինյանի «Գառնիի անտիկ կառույցների ճարտարապետությունը» աշխատությունը։ Շուրջ երեք տասնամյակ նրա գիտական ուսումնասիրությունների կենտրոնն էին տաճարն ու նրան հարող շենքերը, և այդ ամենի պսակը հանդիսացավ հեթանոսական տաճարի վերակազմության նախագիծը։ Տաճարի վերակազմությունը սկսվեց 1969-ին և ավարտվեց 1975 թվականին, որի համար Ա. Սահինյանն արժանացավ ՀՍՍՀ պետական մրցանակի։ Այդ մեծ գործի գիտական հիմնավորումը վերահիշյալ մենագրությունն է։ Հետազոտության ամեն մի էջ ներթափանցված է հուշարձանների վերլուծությամբ, դրանց առանձին հանգույցների կոնկրետ, փաստական տվյալներով, չափադրական հիմնավորումներով և նույնիսկ հետազայում ծածկված աշխատանքների հաստատված ակտերով, այնպես որ մենագրության առանձին հատվածներ թողնում են հնագիտական աշխատանքների հաշվետվությունների տպավորություն։ Երեսուհու հեղինակային մամուլ ծավալով այս գործը երևելի է հայկական ճարտարապետության ուսումնասիրության ասպարեզում։ Այստեղ քննարկվում են ամրոցի անտիկ շրջանի բոլոր կառույցները, տրվում են դրանց վերակազմությունների նախագծերը, հետազոտվում շինարարական տեխնիկան, բացահայտվում տարբեր տիպի շենքերի հորինվածքային առանձնահատկությունները։

Աշխատության առաջին գլուխը նվիրված է Գառնիի մասին եղած գրականության տեսությունը։ Երկրորդ գլխում դիտարկվում են ամրոցի հզոր պարիսպները և ամրոցի տարածքում հայտնաբերված աշխարհիկ կառույցները։ Առանձնակի ուշադրվ է ամրոցի պաշտպանական սիստեմի բացահայտումը։ Պարսպապատերի և հատկապես աշտարակների կառուցողական առանձնահատկությունները պարզելու համար անհրաժեշտ էր ներթափանցել անտիկ ռազմարվեստի, պաշտպանողական տեխնիկայի, ժամանակի ամրոցակործան մեքենաների օգտագործման և կռիվների մեջ, հասկանալու համար ինչպես պարսպապատերի ընդհանուր կոնֆիգուրացիան, այնպես էլ աշտարակների թե՛ միմյանցից անհավասար դասավորությունը, թե՛ դրանց միմյանցից այնքան տարբեր շինարարական տեխնիկայով կառուցված լինելու պատճառները։ Այս գլխում հանգամանորեն քննվում են նաև պալատական կառույցի և բաղնիքի շենքի պահպանված մնացորդները և ներկայացվում դրանց մասնակի (պալատ) կամ ամբողջական (բաղնիք) վերակազմությունները։ Հեղինակը հանգամանորեն քննում է բաղնիքի հորինվածքը, քայլ առ քայլ բացահայտում նրա շենքի մասն և շրամատակարարման սիստեմը, ցույց տալիս կապերը մի կողմից հիլենիստական աշխարհի նույնատիպ կառույցների հետ, մյուս կողմից նշում հայկական միջնադարում նույն այս հորինվածքի դրսևորման փաստերը Դվինում, Անիում և այլուր։ Գառնիի պեղումների ատավել մեծ Հայտնագործություններից էր բաղնիքի հանգործարանի հատակի խճանկարը, որի վերլուծությունը նույնպես իր արժանիւնն ունի է գտել մենագրության մեջ և ըստ էության երկուստեք դարձել կառույցը III դարի վերջով թվագրելու համար։

Հեթանոսական տաճարի և բաղնիքի միջև ձգվում է պալատի շենքը, որից դժբախտաբար մեզ են հասել հիմնապատերը միայն։ Համեմատաբար ալեկի լավ է պահպանվել պալատի հարավային մասի նկուղային հարկը՝ իր ուժեղ որմնամուկներով հանդերձ։ Սահինյանը հանգամանորեն հետազոտում է պալատական կառույցը, կազմում ծածկերի երկու հնարավոր տարբերակների վերակազմության նախագծերը։ Նա գրում է. «Թաղի կառուցման եղանակի համար հնարավոր է երկու տարբերակ։ Մեկը՝ եթե որմնամուկներից դեպի կենտրոնական կամարաշարքի համապատասխան մուկները նետվեն թաղակիր կամարների և նրանց միջև ստացված ազատ տարածությունները ծածկվեն թաղի համապատասխան սեկցիայի քարերով։ Երկրորդը՝ եթե որմնամուկից որմնամուկ կամարներ նետվեն դահլիճի երկայնական ուղղությամբ և այդ յուր-

րուհատուկ կամարաշարքի վրայից սկզբնավորվի դեպի կենտրոնական կամարաշարք ընթացող թաղը» (էջ 50), Մեզ թվում է, որ այստեղ առավելությունը պետք է տալ երկրորդ տարբերակին: Այն ավելի դյուրին է իրականացնել, և որ գլխավորն է, հայկական վաղ միջնադարյան ճարտարապետության մեջ հետադարձում ընդհանրանում է հենց լուծումը (Ջվարթնոց-գահաարահի ծածկը, Օձուն-սլունասարահի ծածկը և այլն): Հայ ճարտարապետները, միանգամայն իրավացի, խուսափել են այնքան հաճախ դասավորված թաղակիր կամարներից:

Ոչ պակաս հետաքրքրություն է ներկայացնում պալատական կառույցի թվագրության հարցը: Տարակույս չի կարող լինել, որ Տրդատ արքան, կառուցելով տաճարը, նույն ամրոցի տարածքում պետք է ունենար իր պալատական շենքը: Սակայն դժվար է ասել, արդյոք այն մնացորդները, որ հասել են մեզ, պատկանո՞ւմ են այդ նախնական պալատին թե ոչ: Հեղինակը ավելի կողմնակից է պալատական այս շենքերը դիտել առնվազն ժամանակակից տաճարին, եթե ոչ ավելի վաղ: Թվում է, որ դրա համար շկան հավաստի կովաններ: Պալատի կառուցողական տեխնիկան արմատապես տարբեր է տաճարի կառուցման եղանակից, և սրբատաշ որձաքարի մեծածավալ քարերի օգտագործման փոխարեն պալատի պատերը շարված են ճեղքված որձաքարից և գետաքարից, իրեն միացնող նյութ օգտագործված է կրաշաղախը և հետո՝ «Պալատական խմբի՝ դեպի բաղնիքի շենքը ուղղված կեսում, քարի նրմնաշարքերին զուգընթաց, տեղ-տեղ հանդիպում է թրծված աղյուսի շարվածքը» (էջ 78): Բացառված չէ, որ աշխարհիկ այս շենքը կարող էր դարձնել ընթացքում կործանվել և նորից վերաշինվել, ճիշտ այնպես, ինչպես VII դարի կեսերին այն լրիվ կործանվել էր, և հեթանոսական տաճարին հպված ներսեսաշեն բոլորածե եկեղեցու մի հատվածը կառուցվել հենց այս պալատական շենքի վրա: Մյուս կողմից, պալատական շենքերը իրենց կառուցողական տեխնիկայով լիովին համահնչյուն են III դարի վերջով կամ IV դարի սկզբով թվագրվող բաղնիքի հետ և վերջինիս հետ կազմում են մի ամբողջական տարածական լուծում, որոշակի ձևավորված ճրայարակ, հանգամանք, որը ևս կովան է այս բոլոր կառույցների՝ միաժամանակ կառուցված լինելը ենթադրելու համար: Համենայն դեպս այստեղ խիստ դժվար է երկու դարի ժամանակագրական խզում նշմարել:

Այնատուփյան հիմնական առանցքն է կազմում տաճարի մանրակրկիտ հետազոտությունը, սակայն մինչ այդ հեղինակը հանգամանորեն ներկայացնում է նախորդ հետազոտողների վերակազմության նախագծերը (Յ. Դյուրուա, Կ. Ռոմանով, Ն. Բունիաթյան), ընդ որում հատկապես նշվում է Ն. Բունիաթյանի նախագծի արժանիքները, որը սկստարված է բացառիկ սիրով, մասնագիտական բարձր մակարդակով և կատարման վերաբերյալ վարպետությամբ: Այն ամբողջությամբ ներկայացված է հեղինակի՝ Գրանիի տաճարին նվիրված մենագրության մեջ» (էջ 67): Միանգամայն տրամաբանական է Ա. Սահյանյանի ակնածանքը դեպի Ն. Բունիաթյանի նախագիծը. եթե Դյուրուայի նախագիծը մի էսթիլ էր միայն՝ հեռավորակապության, իսկ Ն. Մառի արշավախմբի ճարտարապետ Կ. Ռոմանովի նախագիծը, թեև կատարված էր մեծ բարեխղճությամբ, բայց չէր շոշափում բոլոր հարցերը, ապա Ն. Բունիաթյանի նախագիծում առաջին անգամ տրված էր նշանավոր հուշարձանի իրական կերպարը:

Միանգամայն իրավացի էր Ա. Սահյանյանը, երբ տաճարի հետազոտությունը սկսեց անխրտի բոլոր քարերի մանրամասն չափագրումից, մի բան, որը ճարտարապետական նման մի հուշարձանի վերլուծության ամենազլխավոր նախապայմանն էր: Այս ընթացքում հայտնաբերվեցին նոր մանրամասներ, տարբերություններ նախկինում կատարված չափագրությունների հետ, հանգամանք, որը միանգամայն տրամաբանական էր. ոչ Կ. Ռոմանովի և ոչ էլ Ն. Բունիաթյանը հնարավորություն չէին ունեցել չափագրել բոլոր մանրամասները, և ավելին, համադրել, գետնի վրա վերակազմել տաճարի առանձին հանգույցները: Ահա այս էլ հնարավորություն առավ Ա. Սահյանյանին բացահայտել մի շարք խիստ ուշագրավ օրինաչափություններ, գտնել քարերի իրական տեղերը և դրանց փոխադարձ դասավորության գաղտնիքները: Այսպես, չալլ առ քալլ վերակառուցվեցին թե՛ յուրմասրահների ծածկերը, թե՛ արխիտուրայների շարքերը, թե՛ զարդագոտին և թե՛ քիվը: Համարձակ կարելի է ասել, որ նախքան ծավալային վերականգնումը, տաճարն արդեն «վերականգնված» էր գետնի վրա՝ ամեն մի հանգույց հետազոտված մանրամասն, մանրակրկիտ վերլուծված: Այս ամենն էլ իր արտահայտությունն է գտել մենագրության մեջ, որտեղ տաճարի հետազոտությանն ու վերականգնմանը նվիրված են երկու հիմնական գլուխները:

Այնատուփյան հիմնգործող գլխում քննարկված են տաճարի թվագրության հետ կապված հարցերը, և հսկենիստական աշխարհի բազմաթիվ նույնատիպ հուշարձանների հետ կատարած համեմատությունների հիման վրա հեղինակը հանգում է այն ճիշտ եզրակացության, որ տա-

չարը կառուցվել է մ. թ. 1 դարի երկրորդ կեսում, Հաջորդ, վեցերորդ դուխը նվիրված է տաճարի ճարտարապետական-գեղարվեստական վերլուծությանը, իսկ յոթերորդը՝ տաճարի կառուցողական տեխնիկային և կոնստրուկցիաներին: Ահա այդ երկու գլուխներն են, որ կազմում են աշխատության հիմքը, և այստեղ է, որ տաճարի առանձին հանգույցների մանրամասն հետազոտությունը, կառույցի հիմքում ընկած մոդուլային համակարգի մանրակրկիտ ուսումնասիրությունը և նույն մոդուլային համաչափության բացահայտումը (տաճարի ինչպես առանձին մասերում, այնպես էլ ամբողջ ծավալատարածական լուծման մեջ) հնարավորություն են տալիս հեղինակին ամբողջացնել հետազոտությունը և դրանց հիման վրա էլ վերականգնել տաճարը:

Աշխատության այս վեղջին գլուխներում ևս տեսական դրույթները սերտորեն միահյուսված են վերականգնման պրակտիկ աշխատանքների ընթացքի հետ՝ պայմանավորելով և հաստատելով մեկը մյուսին: Աշխատանքային մեթոդը՝ ընտրված հեղինակի կողմից, միակ ձիշտ ուղին էր այս դեպքում, և միայն այն կարող էր բացահայտել ինչպես տաճարի կառուցողական ձևերի հիմքում ընկած օրինաչափությունները, այնպես էլ հնարավորություն տալ որոշելու տաճարի տեղը Առաջավոր Ասիայի հելլենիստական մշակույթի շրջանակներում: Ա. Սահյանն առանձնակի կանգ է առնում Գառնիի տաճարի ծավալատարածական հորինվածքի վրա և միանգամայն իրավացի է, երբ գտնում է. «...Գառնիի տաճարը հունահռոմեական, ընդհանուր հելլենիստական և տեղում գոյություն ունեցած ճարտարապետական-կառուցողական արվեստի յուրահատուկ մի սինթեզ է, և այն իրենից ներկայացնում է հայկական-հելլենիստական մշակույթի հուշարձան» (էջ 30): Սակայն դրա հետ միասին դժվար է համաձայնվել այն դրույթի հետ, որ տեղ նա անմիջական, հորինվածքային կապ է տեսնում Գառնիի և դրանից շուրջ 1000 տարի առաջ կառուցված ուրարտական Մուսասիրի և էրեբունիի Սուսի տաճարների միջև, հորինվածքներ, որոնք խիստ հեռու են հելլենիստական ճարտարապետության շրջանակներում մշակված ձևերից: Անշուշտ, տարակույս չի կարող լինել ուրարտացիների տիրապետության շրջանի ճարտարապետության, կառուցողական տեխնիկայի և հայկական ճարտարապետության աղբյուրների հարցում: Սակայն այլ բան է վերջինիս այս կամ այն հորինվածքը անմիջականորեն հետևեցնել ուրարտական կոնկրետ որևէ կառույցից, մասնավորապես, եթե դա վերաբերում է մինչև վերջ մշակված հելլենիստական ճարտարապետությանը այնքան բնորոշ հորինվածքին, ինչպիսին է Գառնիի տաճարը: Այստեղ անհրաժեշտ է նշել, որ նույն Մուսասիրի տաճարը սյունաառաձևով շրջապատված «պերիպտերա» համարելը խիստ թեմական է և բնավ չապացուցված: Տաճարի՝ մեզ հասած պատկերաքանդակի գծանկարում որպես առանձին կանգնած սյուների քվադրոնով ուղղվածից զոնորը փաստորեն ոչ թե առանձին կանգնած քարի սյուներ են (նման բան ուրարտական հուշարձաններում չի հանդիպում առհասարակ), այլ նույն ուրարտական ճարտարապետության շրջանակներում բնորոշ ուղղանկյուն որմնասյուներ, այնպես որ պերիպտերային հորինվածք այստեղ չի եղել բնավ: Գառնիի տաճարը հայկական հելլենիստական մշակույթի արքայից է, հայկական ճարտարապետության մեջ նույն հելլենիստական դարաշրջանում գոյատևող երկու հիմնական՝ հելլենիստական և տեղական-ավանդական ուղղություններից առաջինի մեզ հասած առավել ցայտուն մարմնավորումը: Գծարխտաբար, մեզ հայտնի լին նույն այս դարաշրջանի տեղական-ավանդական ուղղությունը պատկանող մոնումենտալ կառույցները: Արվեստի բնագավառում այս ուղղությունն իր որոշակի դրսևորումն է գտնում քանդակագործական մի շարք հուշարձաններում (իշխանական վերնախավին պատկանող մարդկանց դիմաքանդակներ և այլ քանդակներ՝ հայտնաբերված Դվինի պեղումներից): Սակայն այս նույն ուղղության համահունչ լուծումներ, տաճարներ, փաստորեն հայտնի չեն: Միակ հուշարձանը, որը կարելի է այս ուղղությանը վերագրել, դա Անիի տարածքում ն. Մառի պեղած չորս ցածրանիստ, ուժեղ մուլթերի վրա բարձրացող կառույցն է, որն իր ձևերով մի կողմից կապվում է իրանական կրակապաշտական կառույցների ձևերի հետ և մյուս կողմից յուրովի անդրադարձ է հելլենիստական դամբարանային ճարտարապետության: Հելլենիստական դարաշրջանում գոյատևող, հին արևելյան արմատներ ունեցող գեղարվեստական մշակույթի այս ուղղությունն էր, որ հեթանոսության կործանումից հետո, երբ անտիկ արվեստի ու ճարտարապետության գրեկորները (միակ բացառությունն էր Գառնին) անխնա կործանվեցին և ոչնչացվեցին, ելակետ դարձավ վաղ թրիստոնեական հայկական արվեստի և ճարտարապետության դարգացման համար:

Անշուշտ, խիստ հրապուրիչ է վաղ թրիստոնեական մշակույթի հնագույն շերտերում հայտնաբերել հեթանոսական կառույցներ, որոնք ինչ-ինչ պատճառներով չեն կործանվել, որբադործ-

Վեկ են և վերածվել քրիստոնեական տաճարների: Նման ենթադրություններ արվել են վաղուց, և Սահինյանը ևս համարում է Տեկորն ու Քասաղը, Երեբունյեն ու Զովունին նման վերակառուցում ապրած շենքեր: Սակայն դրա հետ դժվար է համաձայնվել, քանի որ այնքան ուժեղ են ու ցայտուն նույն այդ շենքերում վաղ քրիստոնեական ճարտարապետությանը բնորոշ գծերը, այնքան սերտ են դրանց կապերը IV—V դարերում մշակված ձևերի հետ: Բայց միանգամայն իրավացի է Սահինյանը, երբ ժառանգորդական կապեր է տեսնում կառուցողական, կոնստրուկտիվ հարցերի շրջանակներում, այնպիսի տարրերում, ինչպիսիք են եռաշերտ պատը, կամարն ու բաղը, արտիղը և գմբեթարդը, հեղքված որձաքարով և գետաքարով պատի շարվածքը, որտեղ իբրև կապակցող նյութ օգտագործվել է կրաշաղախը (էջ 212): Զի կարելի լիովին բացառել հորինվածքային ձևերի ժառանգորդության հարցը, և այս հանգամանքն առանձնակի ցայտուն է դրսևորվում մեմորիալ ճարտարապետության մեջ: Սակայն դժբախտաբար մեզ անհայտ են մնում հելլենիստական դարաշրջանի տեղական-ավանդական ուղղության մոնումենտալ կառույցները, հանգամանք, որը թերևս իր լուսարանումը գտնի հետադա պեղումների շնորհիվ: Ա. Սահինյանի «Գառնիի անտիկ կառույցների ճարտարապետությունը» մենագրությունը շատ ավելի լայն ընդգրկում ունի, քան կարելի է եզրակացնել նրա վերնագրից: Այստեղ հանգամանորեն հետազոտված և վերլուծված է մի ամբողջ դարաշրջանի ճարտարապետական մշակույթ և նոր խոսք է ասված դեռևս չհետազոտված մի անչափ կարևոր բնագավառում: Այն խիստ կարևոր ներդրում է նաև հայկական միջնադարյան ճարտարապետության ակունքների ուսումնասիրության ասպարեզում և հայ ժողովրդի ճարտարապետական մշակույթի ուսումնասիրության մեջ ընդհանրապես:

ՍՏԵՓԱՆ ՄՆԱՏԱԿԱՆՑԱՆ
ճարտարապետության դեկտմբ